



2016թ.-ի մայիսի 8-ին Հաղպատում հանդիպեցին «Երիտասարդության ծայնը հանուն զարգացման և փոփոխությունների» հայ-վրացական միջսահմանային ծրագրի մասնակից հայ եւ վրացի ուսանողները, երկու կողմի դպրոցների տնօրեններն ու ուսուցիչները, ինչպես նաեւ ծրագրի ղեկավարները: Ծրագրի շրջանակներում առաջին անգամն էր, երբ ծրագրի մասնակիցները հանդիպում էին ամբողջ կազմով: Նախ մասնակիցներին ներկայացվեց ծրագրի նպատակը. յուրաքանչյուր երկիրը ներկայացուցիչ դպրոց պետք է ընտրեր իր հետ համագործակցող դպրոց եւ համատեղ մշակեր ծրագրի շրջանակներում իրենց դպրոցներում իրականացվող գործողությունների հստակ պլան եւ նպատակ:



Մասնակիցները ծանոթացան միմյանց հետ, նրանցից յուրաքանչյուրը ներկայացրեց, թե ինչ փուլում են գտնվում աշխատանքները, եւ մինչ այս պահն ով ինչ աշխատանք է կատարել «Երիտասարդության ծայնը հանուն զարգացման և փոփոխությունների» հայ-վրացական միջսահմանային ծրագրի շրջանակներում:



Երկօրյա դասընթացի առաջին օրվա ավարտին ծրագրի ղեկավարները գնահատեցին առաջարկված գաղափարներն ու տեսակետները եւ հստակություն մտցրեցին գործողությունների պլանի մեջ:

Դասընթացի երկրորդ օրը նախատեսված էր միայն վրացի մասնակիցների համար, քննարկվեց ծրագրի գաղափարները:



Գործնական մասի ավարտից հետո վրացի մասնակիցները գնացին շրջելու Թումանյանի տարածաշրջանով՝ ծանոթանալու համար պատմամշակութային արժեքներին եւ միջսահմանային համագործակցության ասպարեզում ավելի հստակ պատկերացում կազմելու համար:



«Երիտասարդության ձայնը՝ հանուն զարգացման և փոփոխությունների» ծրագիրն իրականացվում է Վրաստանի Հանրապետության Մարնեուլիի, Բուլնիսիի և Հայաստանի Հանրապետության Լոռու մարզի Թումանյանի և Ստեփանավանի տարածաշրջաններում՝ «Մարնեուլիի ժողովրդավար Կանանց Խորհուրդ» ՀԿ-ի, «Համայնքային Համախմբման և Աջակցության կենտրոն» ՀԿ-ի, «Civitas Georgia» ՀԿ –ի կողմից՝ Եվրոպական Միության աջակցությամբ:



